

ZASTUPNIČKO PITANJE

Zastupnik – Hamed Aljović

Prema Agenciji za državnu službu Federacije BiH

Molim Agenciju za državnu službu Federacije BiH da mi odgovori po kojim kriterijima i na koji način se imenuju eksperti sa liste eksperata za učestvovanje u konkursnim komisijama za izbor rukovodećih i ostalih državnih službenika za nivo Kantona Sarajevo u period od 16. januara 2015. do danas?

Obrazloženje: Na 15 redovnoj sjednici Skupštine Kantona Sarajevo, održanoj 30.05.2016. godine u okviru tačke Dnevnog reda *poslanička pitanja, inicijative i odgovori* sam postavio pitanje prema Agenciji za državnu službu FBiH. Pitanje je glasilo: *"Molim Agenciju za državnu službu Federacije BiH, da mi dostavi spisak svih osoba koje se nalaze na listi eksperata za izbor rukovodećih kao i ostalih državnih službenika za nivo Kantona Sarajevo kao i spisak eksperata koji su učestvovali u realizaciji javnih konkursa za nivo Kantona Sarajevo (sa brojem konkursa u kojima su učestvovali) u periodu od 16.01.2015. godine do danas ?*


Na moje pitanje Agencija je dala odgovor (akt br. 06-05-3-627-1/15 od 13.06.2016. godine). Iz odgovora je vidljivo od 168¹ eksperata za izbor ostalih državnih službenika, 75 eksperata nije učestvovalo u realizaciji ni jednog konkursa, dok su neki eksperti sa liste učestvovali po dva, tri ili čak 6 puta. Logično se postavlja pitanje po kom osnovu neko učestvuje čak 6 puta a neko ni jedanput? Jesu li u pitanju neki deficitarni eksperti za određene oblasti? Uvidom u listu eksperata za izbor ostalih državnih službenika objavljenoj na zvaničnoj web stranici Agencije je vidljivo koje su osobe eksperti za pojedine oblasti. I prema toj listi, ekspertna oblast nije kriteriji za učestvovanje u konkursnim komisijama (npr. 1 ekspert je diplomirani ekonomist i u konkursnim procedurama je učestvovao 6 puta a drugi ekspert je isto diplomirani ekonomist i učestvovao je samo 1 put u realizaciji javnog konkursa).

¹ Ukupno je na ovoj listi je 170 eksperata ali 1 ekspert je odustao a 1 ekspert preminuo.

Slična situacija je i sa listom eksperata za izbor rukovodećih državnih službenika. Od 52 eksperta na listi, **36** ih nije uopće učestvovalo u realizaciji javnih konkursa, dok na istoj listi ima eksperata koji su učestvovali u realizaciji i po 4 javna konkursa.

Proces predlaganja i imenovanja komisija mi se je potpuno nejasan i zbog toga postavljam ovo zastupničko/poslaničko pitanje.

28.06.2016. godine

Zastupnik

Hamed Aljović